

# SALT

“Scripture Application & Leadership Training”

*Korafe SALT II*  
**Korafe SALT II**

November 2006



THE SALT PROJECT

## **SALT Topic Outlines**

	<i>Page</i>
1. <b>Character of God</b>	1
2. <b>Pursuit of Truth</b>	3
3. <b>God's Laws of love</b>	5
4. <b>Biblical View of Sex</b>	8
5. <b>Christian Family</b>	10
6. <b>What is Salvation</b>	13
7. <b>Living in the Power of God</b>	15
8. <b>The Skills of a Leader</b>	17
9. <b>Biblical Stewardship</b>	19
10. <b>Principles of Giving</b>	21
11. <b>Satan and his Strategies</b>	24
12. <b>Walking in Forgiveness</b>	29
13. <b>Christian Unity</b>	35

## ***GOD DA AITO FUGARI*** *THE CHARACTER OF GOD*

**A. God numo Dubo Bari da susuri.**


1. God rea eraira amo, isambu nunda dubo bariimi eraira.
  - a. 1 John 4:8, 16; John 3:16, 17; 1 Corinth Embokena 13.
2. Dubo bari da beká mo: namonde God da uju use, komanada evevadae saramana use irarera. Filipai Embokena 2:3-8
3. God, Afa, Mandi, ã Asisi Kakara, nenda dubo bari namondekena daba avori.
  - a. Afa: John 3:16; Rome Embokena 5:5, Rome Embokena 8:32; 2 Corinth Embokena 13:14; 1 John 2:15; 4:7-11.
  - b. Iesu: John 15:9; Rome Embokena 8:35; 2 Corinth Embokena 5:14; Efesas Embokena 3:17-19; 2 Timothy 1:13.
  - c. Asisi Kakara: Rome Embokena 5:5, Rome Embokena 15:30, Galesia Embokena 5:22

**B. God kau nange eraira aminga ava use, namonde dubo bari kokomana isambukena ijugaeteri.**

1. Efesas Embokena 5:1-2; 1 John 4:8; 1 Corinth Embokena 13; 1 Corinth Embokena 16:13-14

**C. God nange nunda dubo bari ijugeraira ainda geka ri.**

1. God nu, dubo bari nunda dubo jokáda irira aimi, nunda aito fugari ijugeari giraera.
2. God da aito fugari eviri:
  - a. God jo nanjigo gungubo sae eraira--Geka bekáda bekáda seraira. John 14:16; John 1:14; John 8:42-46. David da Yaru Buku 89:34
  - b. God nu dubo kotari katori. Avata jo rejo kasama eraira aindae, nunda dubo bari namondekena doyae eraira. James 3:17; Mark 6:2, 1 Corinthian 2:7-8; Jeremiah 51:15.
  - c. God mo, ari bekáda bekáda ari katori. Nu sifo ghousa ari eveva vanembo use irá gheraira.. Hebrew Embokena 1:8, 9; 2 Tesaolonaika 1:5-7; Romans 2:5; Deuteronomy 32:4
  - d. God numo joka ari katori. Jo namondekena joka ari da kaugo irae avata, nune namondekena joka eraira. Efesas Embokena 2:4-5; Titus 3:5; James 5:11; David da Yaru Buku 86:5
  - e. Nu beka gagojuse, rea ari sarira amo, nu jo doyae arira, amingarira. James 1:17; 2 Timothy 2:13, Isaiah 49:14-16; 1 Tesaolonaika 5:23-24; 1 Corinth Embokena 1:9



- D. **God rea eraira amo, isambu nunda dubo bariimi eraira. Aindae sise, ijugaboro ikáda irira evia fifituse, dubo bari mokóda fiteri.**

----- *SIFO IRARIRA AMO, GEKA DURÚDA IRIRA AVA SE NINGARERA.* -----

E. **God nu Kakarago bekári.**

1. God nu kakarago gido, nu sifo ghousa dubo ruruse, e gogoghomberaira. James 3:17
2. God numo kakarago gido, eko eni numokena tefori, eveva vanembo numokena irira. Ava sedo, mavekena ari eko eni irarira, nu jo God da dombuda fetae arira. Ephesus 4:24;1:4; 1Peter 1:14-16 David da Yaru Buku 24:3, 4; 1 John 1:5).
3. God namonde aghi usira amo, nu kau nange nange eraira aminga ava use, ari kakarago avanembo use iroro dae sise resira. Nunda geka jokáda eminge resira: "Na ari kakarago avanembo use irá gheraena. Ava sedo, ne barago kau daba aminga ava use irovo dae resena." Hebrew 12:14; Matthew 5:48
4. Avata jo namonde ari da kaugo irae ava sedo, nune tofo mandi ari, namonde kakara edo irarer. 2 Timothy 2:12 1 Thessalonaika 5:23-24.
5. Namonde God de dabade tatedo, nune namondeda dubo jokáda saramana ururari, beká sirorari garera.. Filipai embokena 2: 12-13; Rome 8:28-29; Matthew 11:28-30 aminda Iesu geka evia sisira, Nu namonde dabade tatedo saramana arera amo, raugako arira. Ango dabade fumbarera amo, saramana feghako arira."

## God mo, kakarari.

1 John 1: 5

God rea seraira tumondarerera, jo bunaе arera. Beká sirorarira  
1 John 1: 5  
2 Tim. 2: 13



Geka Beká da susu God  
numori. Nu sifo ghousa  
bekáda bekáda seraira.

John 14: 16-17

God namonde evetu  
genembo ekokodae  
**JOKA** eraira.

Efesas  
2: 4-5

God mo, dubo kotari kato,  
ágido rea eraira, namonde  
da evevadae eraira.

James 3: 17

God bekáda bekáda  
eraira, kosasa eni  
numokena tefori.

Heb. 1: 8-9

← God mo, dubo  
bari da susuri.

1 John 4: 8, 16  
Filipai 2: 3-8

# **GEKA BEKÁ DA SUSU KAKOVA ARERA.**

*PURSUIT OF TRUTH*

## **A. Geka beká kosasagharera amo,.....!**

1. Evetugenembo Iesu jo tumondae eraera, gungubo digari tumonderaera. Rome 1:18;  
2 Thesalonaika 2:9-11; David da Yaru Buku 14:1
2. Namonde Kurisitini barago jo kaifa e gogoghombae arera amo, namonde gungubo mendeni tumondarera. Kolosi 2:8; 1 John 2:26
3. God da uju mo: Nunda beká ava kasama edo, numoá bekáda bekáda tumonde bainghe gogoghombarera. John 4:23, 24
4. Namonde dubo jovereghedo, itako ghousa Iesu ghae dabade deinghuse, nunda geka tegutudo yarera amo, namonde tuturo edo, gungubo mendeni tumondedo ghusera ava dodo, geká beká kasama arera. Kotugo God da kau beká ava kasama arera. Kolosi 1:10; 2 Peter 3:18

## **B. Geka beká redae kasama aetera da beká mo, eviri.**

1. Namonde jo tefo aito fugae eraera, namonde rea tumonderaera, aimi urureari, aito eveva o sembae fugeraera.  
**Besisi → Ika Ifu → Ika Ifu da Vuji**  
**Kotari → Gategari → Ari**
2. Nange aoro evetu genembo da irari eveva arira da emboro mo, eviri:
  - a.) Tuturoda dubo joveregharira. (God rea aono dae uju eraira, ava kasama ari dae fakina arena.)
  - b.) Amboda evetu genembo da kotari kotugo nenda irari da kau jovereghe eni arira. (Keriso da irari ava kotise, nunda aito fugedo ghusira aminga ava, namonde edo gharera.)
  - c.) Gombuda, evetu genembo isambu da irari jovereghe eni arira. (Kau Keriso edo ghusira aminga ava, natofo tomanako amingarera.)
3. Mave God tumondarira amo, aito kau eni fugarera. Mave God jo tumondae arira amo, aito dombu eni fugarira.
4. Ika da Dangio  
**Geka beká → Vujegedo irari → Ivugaghae irari **John 10:10****  
**Derari → Bunedo irari → Dubo memaghae use irari/Sirivo ari **2 Tesalonaika 2:9-12****
  - Namonde dubo jovereghedo Iesu tumonduse Kurisitini arera avata, tuturoda derari mendeni, God dae sedo a kotugo God kau nange evetu genembo da jokáda saramana eraira, ava tumonderaera.
  - Namonde dubo jovereghedo, itako ghousa Iesu ghae dabade deinghuse, nunda geka tegutudo yarera amo, namonde tuturo edo, gungubo mendeni tumondedo ghusera ava dodo, geká beká kasama arera. Kotugo God da kau beká ava kasama arera. Avata aminguse, namonde taká gungubo mendeni tumondarera. God nusuka gungubo tefo irise, kasama isambu kasama eraira. O namonde mo, jo amingo iraera.
5. God da Geka eminge resira.
  - a. John 8:32 (...God da Geka Beká aimi nenda dubo jokáda saramana ururari, ari ekoimi ne bundetiri iriava ava vujegedo jebugareva.)
  - b. 1 John 3:8; John 14:6 (Namo, Emboro Afakena ainda susu, Geka Beká da susu, a kotugo Jebuga da susu ri.)
  - c. Hosea 4:6 (Jebugari da susu bunisera aindae, nanda natofo gitofuimi sosighi useri...)
  - d. Galesia 5:7-10 (...derari kato deretiri ne isambu manamana ereva.)
  - e. John 8:44; John 10:5, 10 (...Satan mo...gugubo da numamori...)

## **C. Geka Beká rejori? Roera reju irira, reju sirorarira , amo geka bekári. Jo namonde da ujuimi o kotarimi baingoro edo sae arera, o ae arera.**

**D. Baiboro tege gosuse, geka beká da tuka ava tava aore!**


1. Geka beká kasama ari dae kato evu! Ekaresia 17:10-11
2. Ninda fakinaimi edo gido, geka beká tege gosuse iraresa. 2 Timothy 2:15
3. Baiboro da eveva rejori? 2 Timothy 3:16-17
4. Asisi Kakara namonde sonembarira. John 16:13

**E. Geka Beká ningido, JO amingae aresa amo, darari.**



- **Namonde mave Geka Bekádae ghaito tero fugarira aikena, dubo kotari sirorarira. Matthew 7:24-27 (Kambo itari kakato da kasia ri.)**

Edo, geka beká da susu, ava kasama e gogoghombareva.  
Geka beká aimi, ne vujegari jebugareva. **John 8:32**



Evetu genembjo  
tumondae irera.



**2 Tesalonaika 2:9-12**



**John 10: 10**



# **GOD DA AGHO DARI ISAMBU DA SUSU BEKÁ MO, DUBO BARIRI.**

*GOD'S LAWS OF LOVE*

**A. Namonde evetu genembo nange eveva iraetera ava kotise, God nunda Agho Dari Ghabu Soveni-Soveni futusira. Namonde einda karo jokáda irarera amo, God da riria ava itatama use irarera.**

1. God dubo bareva!

- (a) Bajari God nusuka numoá dubo bareva!
- (b) Ove jo tumonde baingae areva!
- (c) God da javo jo kotaе kotaе sae areva.
- (d) Jangutari da Sifo ava kakara areva!

2. Evetu genembo dubo bareva!

- (a) Nei nimamokena kakara use, nenda geka ningareva!
- (b) Ninda komana erá deovo ambeure!
- (c) Erá kombo yagera eove!
- (d) Erá bagia eove!
- (e) Erá gungubo seove!
- (f) Erá dighighi eove!

**B. Natofo Agho Dari Ghabu Soveni-Soveni da beká jo gi gogoghombae edo ghusera, ava Iesu ijugusira.**

- 1. Ninda mandako imboe aresa amo, ni Agho Dari namba 6 (Ninda komana erá deovo ambeure!) anakora bejetesi. Matt 5:21-22
- 2. Ni evetu o gagara (o genembo o mandi) fuge gosuse janje jokáda dighighi aresa amo, ni anakora Agho Dari namba 7 (Erá yagera eove!) anakora bejetesi.
- 3. Agho Dari resira, “Kau ni tofo nimoá ava dubo buraesa aminga ava ninda komana barago dubo baresa.” (Leviticus 19:18) O Jiusi embo da abua mane totofo eminge sedo ghuseri, “Ninda komana dubo ruruse, gitofu imboe edo gharesa!” Avata Iesu eminge resira, “Nenda gitofu dubo buvu! Mave nemokena dara eraera o aji seraera amo, nendae sedo banungevu!” (Matthew 5:43-44)


**C. God namonde setiri sirorusera amo:**

- 1. namonde God dubo baoro dae sedo setiri siroruseri. Matthew 22:37-38
- 2. namonde da nano namendi kotu kokomana dubo baoro dae sedo setiri siroruseri. Matthew 22:39-40

**D. Mave agho dari da geka mendeni kaifa use, dabako tainako bejarira amo, nu aminguse, inono isambu bejari da kaugo arira. James 2:10**

Evetu genembo eminge kotiseri,  
ne God da Agho Dari 10  
kaifa ari da kaugo ri.

Avata Iesu namondekena ijugusira,  
namonde ari eveva a dambu Agho  
Dariimi aoro dae sisira ava, jo  
namonde totofo kaifa ari da  
kaugo iraeri.



**E. Iesu sisira, “Na, God da Geka Moses gefusira ava, jo nane saono dadabare dae sedo furaeri. Na ijugaono, geka gefusira ainda beká ava, sivorare dae sedo refena.” Matt. 5: 17; John 8: 46**

**F. Ai resira amo: ni nisuka fakina use, jo God da Agho Dari kaifa ae aresa. God nunda Agho Dari futusira da beká mo, namonde aminda tegoro, eveva ari da emboro kasama arera. A kotugo “God da irari kakara beká ava ijugari kasama aoro dae sedo futusira. Namonde totofo jo Agho Dari kaifa aoro jebugae arera, avata jebugari da emboro eviri:**

1. Namonde taká, Iesu namondeda ari ekoko fufuse, namondedae sedo ambududurusira ava, tumonduse jebuguseri. Efesas Embokena 2:8-9
2. Jebugari da fakina nu tefo muturaira. Titus 3:5-6
3. Namonde kotaе kotaе namondeda uju use ari eko arera, ai, tefo? Rome Embokena. 6: 15-18; 5: 1-6
4. Maveda geka ningareri? John 15:12, 17
5. Dubo jovereghedo Iesu tumondarera ainda amboda, aito rejo fugareri? Galesia embokena 3:2-3
6. God namondeda tumondari gido, namondedae ‘eveva’ sise, sari namonde jebuga evovodae irari ava tuve barera. Galesia Embokena 3:11
7. God namonde tumondari embo Satan da ungoda saghimbe rurusira. Nune, namonde bundisira ava vujegetiri, jebugedo, nunda geka ningido nunda amboda amboda use deingharera. Galesia Embokena 5:1
8. Avori, oroko Satan ghae isoro ari mo, dadabusira, ai? Tefori! Galesia Embokena 5:16-18; Rome Embokena 7:15,19; Filipai Embokena 3:12-14
9. Satan ghae isoro arera amo, nange atai fati fetarerri? Ainda geka, amboda se ningarera.

**G. God da Agho Dari da beká mo eviri: → Dubo Bariri. Rome 13:8-10; [1 Corinth Embokena 13]**

1. Dubo Bari da beká mo eviri: ni rejo eraesa amo, komana da evevadae aresa, jo ninda evevadae ae aresa. Ainda emboro ava, nisuka gategaresa. Matthew 22:15-21
2. Sifo mendeni ni komana dubo ruruse mema nu mutaresa, avata komana da evevadae sedo amingaresa. Ainda ijugaboro eni mo eviri: ni kae tambaresa amo, dogeta nindoro budo ni gayarira. Mema nu mutarira, avata nimo sonembari dae sedo arira. Hebrew Embokena 12: 5-6, 11
3. Iesu nu, namondeda gitofu ava dubo ruruse, nendae sedo banungaoro dae sisira. Matthew 5:44-45

**H. Avata jo namonde totofo aoro inono ae arira. God sonembarira amo, beká sivorarira. John 15:4**

# God da Agho Dari, namonde dabo ruruse futusira, amo eviri.



Reighi Doyer 20: 1-17

Matthew 5:21-22, 27-28, 43-44

Rome Embokena 13: 8-10

Matthew 5: 17

Galesia 5:18

**God da Agho Dari namondeda ambo sose  
fetari vasari. Namonde dabo jama edo eveva  
iroro dae sedo futusira.**

# KOMBO YAGERA DA GEKA RI

BIBLICAL VIEW OF SEX

- A. God evetu use, genemboghae iroro dae sedo etiri sirorusira. Evetu genemboghae avari mo, God da ujuri. Avata evetu genembo fitari da karoda irise, dabo jamaghae iroro dae sedo usira.**

Tuturoda 2:24

1 Corinth 7:1-2

Solomon da Yaru Divari

- B. Evetu genemboghae avoro, mandi sasingu sirorarera amo, God da esimbugari ri.**

Tuturoda 1:28

David da Yaru Buku 78:4

- C. Ninda evetu ghae o genembo ghae fitido dabo dabako edo irise, kokomana beká edo irareva amo, nenda avari erari vivigo arira, mema o oju jo sirorae arira.**

1. Kokomana beká arera

Solomon da Yaru 5:16b Nenda dabo mema tofo tofo sonembuse, dabade se ninguse irareva!

2. Dabade irise tofo tofo dabo bu gogohombari dae sise, fakina edo ghev!

Solomon da Yaru 8:6a Komanakena jo utuva yae irise, nenda kosasa reju eraeva ava, tofo tofo kote dotutuse, komanada uju ava ininighae aresa.

3. Nengae komanaghae dabade, nengae dabo dabako use, tatedo nengaeda asisi da jebuga undururovo bajare!

Ecc. 4:12

Dabade banunguse God da Geka tegutuse irareva.

- D. Ni God da kotari fugedo, kotaе kotaе kombo yaru (avari erari), o yagera aresa amo, ni mema teria beká ava tambaresa. Dubo Kotari 5:3-14**

1. Mave kombo yagerakena gofarera amo, derari nanjigo sekago furarira ainda jokáda, buregari fakara arira.

2. Ninda irari eveva ava, kotaе kotaе kombo yagera ari aimi bebeta edo, mema bu furarira.

3. Ni tamonda, dubokena, kotugo asisikena ainda mema itatamaresa.

- E. God da uju mo, namonde irari kakara ava use irarera.**

1. Evetu fitido irari, genembokena vai edo irari ainda sifoda, irari kakara ava use irarera.

Dubo Kotari 5:15-20

1 Corinth Embokena 7:3-5

2. Ade o vide irari da sifoda, irari kakara ava use irarera.

2 Timothy 2:22a

3. God kakara use, evetu genembo barago kaka aresa.

1 Tesaronika Embokena 4:3-8

1 Corinth Embokena 6:15-20

4. Kombo yagera ari kakato mo, God nune nenda ari ekokodae ategi use ijujarira.


Hebrew Embokena 13:4

Levi Embo da Saramana 20:10

**F. Irari kakara nange tuturo edo arera ainda emboro mo eviri.**

1. Natofo mendeni dara urureoro gido, ni goferaesava dodo, jo itako nenda amboda amboda ae  
aresa.  
Dubo Kotari 5:8  
Matthew 5:29,30
2. Ne ningaminda goferaeava ava, komanaghae dabade se ninguse a banunguse, tofo tofo fakina  
futuse irareva.  
James 5:16
3. Nenda kotari God da ungoda fitaso, nune ari ninda dubo joká jovereghe kau eni beká ava arira.  
Kotari→duboda itatamari/ari (bari)→aito fugari.
4. God da amboda amboda use, nunda sonembadae benunu sise iraresa.  
Filipai Embokena 4:13

# Baiboro Resira: Kombo Yaru Ari da Beká, Amo Eviri



**Hebrew 13:4**  
**Dubo Kotari 5:15-20**  
**Tuturoda 1:28**  
**1 Corinth 7:3-5**

**Tuturoda 3:7-22**  
**Jeremiah 7:9,23,10**  
**Ezekiel 16**

# **OFO KAMBO (EVETU GENEMBOGHAE) DA GEKA RI**

*CHRISTIAN FAMILY*

## **A. Kurisitini evetu genemboghae nenda sasingude da irari kau emingori.**

1. Ofo kambo amo, Iesu nenda giti jijighuse irira.
2. Kurisitini evetu genemboghae nenda sasingude tofo tofo fitioro vosedo, dabade umo eveva ari dae sedo, e gosuse eraera.
3. Noi numamo jo sari vanembo ae eraera, God rea resira ava tumonde ijuguse, ainda aito fugeraera.

## **B. Kurisitini da ofo kamboda irari mavegori?**

1. God tumonduse, Iesu Keriso da aito fugari kamboda use irarera. Amingururoro, sasingu natida irise, aya afakena fuge gido, Iesu Keriso da irari eveva ava kasama arera. 1 John 4:16
2. Fisi da uju buregari da aito aminda kasama edo, aminguse irarera.
3. Kurisitini da ofo kambo mo, Keriso nunda ekaresiade dabade tatedo irera, ainda ijugaboro ri. Ainda aito eveva fuguturureari, evetu genembo gido ghaeteri.
4. Kurisitini aya afa sasingude ekaresia da mendeni edo sonembarera amo, ekaresia fakina e fetarira.
5. Kurisitini aya afa sasingude reighi sonembarera amo, reighi barago dubo jamaghae irarira.

## **C. Evetu Genemboghae Nenda Saramana da Aito Fugari ri.**

1. Genembo ainda saramana da aito fugari eviri.
  - a. Kau Iesu nunda natofo da giti jighari edo irira aminga ava, genembo mo, nunda evetu da giti jighari edo irira. Efesas Embokena 5:23, 25-33
  - b. Noaro dubo ruruse, nunda evevadae sise saramana use irarira. Kolosi Embokena 3:19; Efesas Embokena 5:23, 28-29
  - c. Noaro kaka use, mema bouvu rea fumburaira ava, itatamuse sonembuse irarira. 1 Peter 3:7
2. Evetu ainda saramana da aito fugariri.
  - a. Nuvu kaka use irarira. Efesas Embokena 5: 22-24, 33; Kolosi 3:18
  - b. Nuvu da sari ningari jave ninguse amboda amboda use irarira. Eph 5:22; Kolosi 3:18
3. Ninda komanaghae kurisitini edo irareva amo, komana da sariá (sari ningari) jave ninguse, minonde minonde sonembuse, dubo ruruse irareva! Efesas 5:21 (Kolosi 3:12-17)

## **D. Noi Numamoda Aito Fugari Emingori: 2 Timothy 1:5 (bekáda bekáda tumonde gogogho ari)**


1. Aya afaghae ofo kamboghae ainda giti jighariri.
2. Namonde da sasingu da
  - a. Tamo
  - b. Kotari (rejo kotaetera ava dengoro indarerera)
  - c. Asisi → ava kaifa arera.
3. Noi numamo, nenda sasingu emboro eveva gatege amingaoro dae sedo, dengoro indarera.
  - a. Evetugenembo fisida uju use irera aimi erekotera, nenda uju kotae kotae use irarera amo, ne vujegari beká edo ivugaghae irarera. Avata geka beká mo, mave God da geka ningido, noi numamo da geka ningido gharera amo, ne vujegari beká edo ivugaghae irarera.
  - b. Kotugo mave God da geka fugutuse, noi numamo da geka fugarira amo, nu bundedo irise, dubo jama jo tambae arira.
4. God nunda sasingu a natofo dubo ruruse nenda evevadae sedo, sifo daba daba ne deraira. Kau daba aminga ava, namondeda sasingu da evevadae sise emboro ijuguse darera. Hebrew Embokena 12:5-11
5. Aya afaghae ne, erá janje ekoko edo, nenda sasingu teria futo giseóvo, imboeghae irióre! Kolosi 3:21

Namonde ofo kambo jokáda tofo tofo dubo rururoro gido, evetu genembo God namonde nange dubo buraira ava kasama aeteri.

Gegenembo, Keriso nunda ekaresia dubo buraira aminga ava, nenda evevetu dubo buvu!.

*Efesas 5:25*

Evevetu, nenda gegenembo kakara use, nenda geka ava ningareva!. *Efesas 5:22*




Noi numamo namonde nange dubo barera, ava gosuse namonde God da dubo bari da kau ava kasama aeteri.

*2 Timothy 1: 5*

**God da dubo bari teria bekári.**

**1 John 4: 16**



Erá janje ekoko edo, nenda sasingu teria futo giseóvo saramana ari dae barago eore! *Kolosi Embokena. 3: 21*

**God namonde dubo buraira,  
aminga ava, namonde  
gegenembo nunda aito da  
amboda amboda use, namondeda  
sasingu dubo barera.**

## Afa Mane da Saramana da mendó ghabusoveni dabako irira, amo eviri:

1.

Noi numamoghae  
da irari, roera  
mindafugori.



Noi numamoghae mo,  
Keriso nunda  
ekaresiaghae da  
ijugaborori..



2.

Ijugaboro eveva  
ururaso, ninda  
sasingu gare!



Sasingu ijugaboro gosuse, aito  
fugari kasama eraera.

3.

Nenda irari  
ijugaboro  
evetu  
genembo  
mendeni  
kena  
iraetira.



Nearoghae  
aito eveva  
fuguturovo  
gido, natofo  
God dae  
sakai saore!



Ninda sasingu dubo bu!

4.



5.

Ninda aviva  
kaifa aresa!



Erá kotaе kotaе geka seose!

Dengoro indururaso,  
ninda sasingu God  
kotugo God da Geka  
tumondarera



6.

Banungururaso, ninda sasingu gare! Saso  
nearo kotugo ninda sasingu sifo daba daba bayaudae  
aiyakoe sarera. Baiboro da iki saso ninda sasingu  
ningarera. tofo tofo benunu sareva. Ninda sasingu  
nange God tumonduse aito eveva fugaetera aindae,  
fakina aresa.

# JEBUGA EVOVODAE IRARI BARI DA EMBORO RI

## WHAT IS SALVATION?

- A. Tamo foyago da gekai ‘salvation’ seraera ainda beká mo, namondeda ari ekoko God da dombuda vujegedo, Iesu namondeda ari ekoko da mino futusira ava tumondarera:**

**Mark 1: 14-15 [Acts 20: 20-21]**

1. Dubo Jovereghari da tuka beká mo, kau mavegori?
  - a. Ainda tuka beká eviri: irari manai dodo irari seka ainda aito fugarera
  - b. John Bafataito Ari Kato da ijuga mo, ni dubo joveregharesa amo, ninda aito dombu eni fugutururaso, gido natofo kasama arera. Matt. 3: 1-2, 7-8
  - c. God nune ari ni seka beká, kau genembo seka da kaugo ava edo, fetaresa. Efesas 4: 20-24
2. Tumondari mo, emingarera.
  - a. Tumondari da tuka beká eviri: namonde totofo ighagha edo, namondeda asisi Iesu da ungoda fitido, jebuga evovodae irari nune mutari barera, ava gigituse irarera..
  - b. Namonde jo tofo mandi roera eni edo jebuga evovodae irari ava bae arera. Keriso anakora namondedae sedo rea usira ava tumondarera amo, nunda jebuga barera.  
Efesas Embokena 2: 8-9; 2 Corinth 5: 15; Rome Embokena 6: 22-23

- B. Jo namondeda ari eveva eraera aindae sedo, jebuga seka bae arera. Avata God nunda jebuga seka futusira da beká mo, ari eveva udo yaoro dae sedo futusira.**

1. Namonde God da saramana rea aetera ava, God nune anakora simbugusira.  
Efesas Embokena 2: 8-10 (vs. 10: ari eveva aoro dae sedo)
2. Nunda Mandi da kau ava aoro dae sise, God namonde gategusira. Rome Embokena 8: 28-29
3. Iesu namondeda ari ekoko seghe fugedo, kotari seka ava futusira.
  - a. Iesu namondeda ari ekoko nunda ororoda fakinaimi seghe fugutsira. Amboda Sirorarira 1: 5;  
Hebrew Embokena 1: 3
  - b. Ari ekokodae mino mutari da bouvu (amo ambari ri) namondekena dadabusira!  
Rome Embokena 8:1
  - c. Namonde jebuga seka budo irera, kotugo itatama use irarera. Efesas Embokena 4: 22-24 [Titus 3: 5; John 3: 3]
4. God setiri namonde nunda sasingu edo irera.
  - a. God setiri namonde nunda sasingu edo irera. Galesia 4: 4-6 [Efesas Embokena 1:5]
  - b. God rea mutari sisira ava, namonde Keriso de dabade barera. Galesia 4: 7; Rome 8: 17
  - c. Jebuga seka baoro dae sedo, God setiri namondeda kotari manai, irari manai, Keriso de dabade arafa doruseri. Galesia Embokena 2: 20
  - d. Iesu nune namondekena irari dae sedo, ã nunda Asisi Kakara mutari baoro dae sise, furarira. John 14: 16-18 (Cindi is still not happy with this.)
  - e. Amingedo, namonde Asisi Kakara da fakinaimi Iesu da geka ningido durumuguse irarera. Galesia Embokena 5: 16

----- SIFO IRARIRA AMO, GEKA DURUDA IRIRA EVIA SE NINGARERA. -----

- C. Dubo jovereghari da beká isagha are dae sarera amo, namonde giti emingaore!**

1. Namondeda ari ekoko ava God kena isagha sarera. 1 John1: 8-9
2. Ari ekoko eraera ava, imboe edo doyarera. Ezekiel18:30-32; Rome Embokena 6: 2
3. God namonde ari rejo ari uju erira ava, dubo isambui futuse amingarera. Ekaresia 26: 20

- D. Dubo jovereghari da ijugaboro etoto amo eviri:**

1. Takesi ombari katori. Luke 18: 13-14
2. Natofo Pentecost aminda, Peter da vironu setiri ninguseri. Ekaresia 2: 37-38

- E. Tumondari bekághae (jebuga bari da tumondari) kau emingo ri.**

1. Jo James rea resira tuturo 2:19 eminda, amingae arera. James. 2: 19
2. Dubo isambui futuse tumondarera. Rome Embokena 10: 9-10
3. Bajari manai ighagha edo, namonde totofo Keriso da ungoda fitarera. 2 Corinth 5: 15
4. God da sari ava ari dae sedo, beka gajarera. Rome Embokena 6: 16-19
5. Tumondari bekághae nimokena irarira amo, → ni ainda aito barago fugaresa. James 2:14-17

## God da jebuga bari mo, mavegori

Namondeda kotari a uju manai  
dodo God da kotari seka da  
amboda amboda arera.



Fisi da uju  
daoro ambarira.


Matt. 3: 1-2, 7-8  
Efesas 4: 20-24

Efesas 2: 8-9  
2 Corinth 5: 15  
Rome 6: 22-23




Iesu namonde  
da asisi kaifa  
are dae sise,  
tumondarerera

3. God namondeda ari  
eko seghe fugari  
namonde irari seka  
budo, dombu eni beká  
arera.



Amboda Si. 1: 5  
Rome 8: 1  
Efesas 4: 22-24

4. God namonde  
nunda sasingu  
are dae budo,  
unduraira.



Iesu foa namonde  
dabade tatedo,  
nunda Asisi  
Kakara mutari  
barera.  
John 14: 16-19

Asisi Kakara  
sonembururari  
namonde Iesu da uju  
ava udo yarera.

Galesia 5: 16

# **GOD DA FAKINA AIMI RURUSE DEINGHARERA!**

*LIVING IN THE POWER OF GOD*

- A. Ekaresia tuturo usira da sifoda Asisi Kakara nunda fakina eminge ijugsira.
1. Gode da Geka eminda gaore!
    - a) Ekaresia 1:4-9, 14 God nunda Asisi Kakara mutari dae sisira..
    - b) Ekaresia 2:1-13 God nunda Asisi Kakara Iesu da ambo jimbikena mutiri asugusira.
    - c) Ekaresia 2: 14-24, 32-41 Peter natofokena vironu sisira.
    - d) Ekaresia 2:42-47 Ekaresia tuturo usira da sifoda, Iesu da natofo mendeni rea usera, amo eviri.
    - e) Ekaresia 3:1-19 Genembo daguna setero jebugusira.
    - f) Ekaresia 4:1-22, 31-33 Peter John ghae Israel embo da babojegari da dombuda fetedo, koto useri.
    - g) Ekaresia 5:1-12, 32 Ananias nengae Sapphira ghae gungubo sise dederuseri..
    - h) Ekaresia 5: 17-42 Iesu da ambo jimbi mo, Israel embo da babojegari aimi koto useri.
    - i) Ekaresia 6:8-15; 7:51-60 Stephan ghamanai detero ambududurusira.
    - j) Ekaresia 8:3-25 Simon nu Asisi Kakara da fakina moniimi ombari sisira.
    - k) Ekaresia 8:1-3; 9:1-22 Paul nange dubo jovereghusira.
  2. Geka setera ainda ategi mendeni eviri:
    - a) God da Geka daba daba iká ominda Asisi Kakara da saramanadae nange resi?
    - b) Asisi Kakara da Fakina aimi rejo sirorusi?
- B. God da natofo digari ari mo, God nunda fakina aimi ari sirorarera.
1. Iesu namondekena saramana teria eko ava futusira. Namonde isambu eredo ya evetu genembo mendeni aghi aoro dae sisira.  
Matthew 28:19, 20
  2. Ainda saramana aoro dae sedo, Asisi Kakara fakina namondekena muturaira.  
Ekaresia 1:8,4:33  
Efesas Embokena 3:7  
Colosi Embokena 1:11  
2 Peter 1:3
  3. God nunda saramana aoro dae sedo, fakina dombu eni dombu eni futusira.  
Efesas Embokena 4:7,11-12
  4. Namonde God kena jo utuva fetae arera amo, nundae saramana use irera da beká jo sirorari gae arera.  
Deuteronomy 34:10-12  
John 15:4, 5

C. Asisi Kakara da fakinaimi sonburureari namonde God da uju udo yarerai.

1. Asisi Kakara da fakina namondekena mo, tano tefori.  
Efesas Embokena 3:14-19; 2 Chronicles 16:9; Ph 3:10
2. Namonde sifo evia inono Asisi Kakarade dabade iraeteri.  
Efesas Embokena 5:18
3. Asisi Kakara aimi namondeda dubo jokáda saramana urureari namonde Iesu da kau avavaga use irarerai. 2 Corinth 3:18
4. Asisi Kakara da fakina namondekena muturaira ainda beká ava baji teria ari natofo garera.  
Galesia Embokena 5: 22-25

D. God da uju mo, na nunda fakina budo nunda Javoda saramana aetenai. Avori, nunda fakina avavaga nanda ghamonda itatama eraena, aī, tefo?

Luke 11:13  
Ekaresia 1:4-5

# Benunu Siruruvu, Asisi Kakara aimi nenda janje joká bedo ari irove!

Eph 5:18-21

**Asisi Kakara da fakina  
ai saramana aore!**

Ekaresia 1:8

John 15:5


Rome 12:4-13



**Asisi Kakara fakina futururari  
namonde janje jokáimi  
itatamedo fakina arera.**


Efesas 3:14-19

2 Chronicles 16:9



2 Corinth 3:18

**God da Asisi aimi  
saramana ururari  
namonde jovereghedo  
kau Iesu aminga ava  
arera.**



Galesia 5:16-17,22-24

**Asisi Kakara namondeda  
dubo jokáda saramana  
ururarira amo, beká  
eveva sirorarira.**


# **GITI JIGHARI DA AITO FUGARI RI.**

*THE SKILLS OF A LEADER*

- A. John 13:1 Iesu Numamo da saramana da giti jijighuse, nunda ambo jimbi, a kotugo natofo isambu dubo budo ghusira. Kau daba aminga ava, mave giti jigharira amo, natofo dubo budo gharira.**
1. Evetu genembo nu ari ekoko da jokáda gofarera, a kosasagħarera. Amo, nene arera. Avata Iesu ijugedo għusira amo, evetu genemboá amingaoro gido, namonde ne dubo barera.
  2. Ni edo gido kokomana da eveva aindae sakai sise, nenda eko jo ijujae aresa. 1 Cor 13:7
  3. Ninda komana dubo ruruse iraresa amo, ni jo sifo ghousa ninda uju avanembo are dae sae aresa. 1 Corinth Embokena 13
  4. Ari bekáda bekáda ururaso gido, ninda dubo bari da beká ava ninda komana itatama arira. 1 John 3:18
- B. John 13:3 Iesu Numamo da saramana da giti jijighuse, tofo mandi fitiri vovosusira. Kau daba aminga ava, mave giti jigharira amo, nu tofo fitari vosarira.**
1. Namonde totofo fitoro vosarera da beká mo, God namonde amingaoro dae sisira.
  2. Namonde totofo fitoro vosarera da beká mo, God namonde nunda saramana aoro dae sise aghi usira, ava kasama erera. 2 Peter 1:3
  3. Namonde totofo fitoro vosarera da beká mo, God namonde amboda ategi arira. Rome Embokena 14:12, Matthew 12:36
- C. John 13:4-8 Iesu Numamo da saramana da giti jijighuse, geka nunda fakinagħae sedo għusira, avata kotugo robogħoi sedo għusira. Kau daba aminga ava, mave giti jigharira amo, numbarago durumugħuse robogħoimi sedo għarira.**
1. Namonde barago durumugħuse robogħoimi edo għarera. (tuturo 4-5)
  2. Evetu genembo da asisi jebugari da goroto isagħa are dae sise, evetu genembode umo gaumo use, ungo futuse iraresa. (tuturo 5-7)
  3. Dengoro indudse aindu gorotoda, dubo bariimi barago geħa saresa. (tuturo 8)
- D. John 13:12-17 Iesu Numamo da saramana da giti jijighuse ijugiri, nunda ambo jimbi barago giti jighari da emboro kasama useri. Kau Iesu ijugusira aminga ava use, mave giti jighido irira, nu giti jighari da emboro natofo mendeni kena ijugari kasama edo, giti jighari kakato arera.**
1. Giti jighari kato eveva nu, giti jighari da emboro bekáimi ijugari, giti jighari kakato seseka ne kasama arera.
  2. Giti jighari kato eveva nu, giti jighari da emboro da aito tofo mandi fuguturari gido, giti jighari kakato seseka kasama arera.
  3. Giti jighari kato eveva mo, nunda fakina għasari, giti jighari kakato seseka barera.
  4. Iesu nunda ambo jimbide dabade saramana iri, ne għosuse giti jighari da aito kasama useri, kotugo nne seari, ne saramana mendeni mendeni nunda javoda edo għuseri. Kau daba aminga ava, giti jighari eveva nne seari, nunda ambo jimbi (giti jighari kakato seseka) ne saramana mendeni mendeni edo għarera.
- E. Na fura dombuda refira eında jokáda, giti jighari da aito kotise, aito evia e gogħombari dae sedo, gasegi arena: \_\_\_\_\_

# Sabua da Ari Ava Use, Kokomana Kaifa Arera

John 13:1-17



**GOD GUGUA GUMBARA REA MUTARIRA AMO, NANGE KAIFA AORO  
DAE SEDO, BAIBOROI EMINGE IJUGERIRA.**

*BIBLICAL STEWARDSHIP*

**A. Saramana Kato Dubo Kotaride Ainda Kiki Ri. (Namonde Bajari Da Saramana E  
Gogoghombarera.) Luke 12:42-47**

1. Tuturo 42: Roera isasambu God da tofori.  
1 Corinth 10:26; David da Yaru Buku 24:1
2. Tuturo 42-43: Namonde mo, tefo God da tofo kaifa eraera.  
Tuturoda 1:28
3. Tuturo 43-46: Namonde nunda tofo nange kaifa eraera gosuse, God amboda namonde ijujarira.  
Isaiah 3:10-11; David da Yaru Buku 58:11; Dubo Kotari 11:18
4. Tuturo 47: Namonde God da tofo nange kaifa eraera, aimi namondeda kau/irari tofo ijugeraera..  
Luke 12:34
5. Tuturo 48: Ninda saramana nange ururaso gido ivuga arira aindae, God amboda etoda mutari, roera teria nunda Javoda kaifa aresa.  
Luke 16:10-13

**B. God namonde rea kaifa aoro dae resira, amo eviri:**

1. Sifo  
Efesasa Embokena 5:15 – 17
2. Gugua gumbara  
Ekaresia 4: 36-37
3. Namondeda tamo  
1 Corinth Embokena 6:19-20
4. Namondeda ofo kambo (ninda komana, nengaeda sasingude dabade)  
1 Timothy 3:4-5
5. Joba a fakina dombu eni dombu eini nunda saramana aovo dae sedo futusira, avori.  
1 Peter 4:10, Ekaresia 20:24
6. Utu enda nune etiri sirorusira.  
Tuturoda 2:15


C. Na fura dombuda refira einda jokáda, roera tegetera ava kaifa use, aito evia e gogoghombari dae sedo,  
gasegi arena: \_\_\_\_\_

---


# God Roera futusira ava, eveva kaifa eraera, ai?

Sifo


Efesas 5:15-17



**gugua gumbara**



Ekaresia 4:36-37



Namondeda  
**Tamo**  
mo, Asisi  
Kakara da  
kambori.



**sasingu**

1 Tim 3:4-5

**nearo**

Saramana rejo aso dae  
sedo fakina mutiri  
rurusesa, avori.

1 Peter 4:10



# **JOBA GOD KENA REDAE MUTARERI?**

*PRINCIPLES OF GIVING*

## **A. God kena mutari da ijuga ri. 2 Corinth Embokena 9:6-15**

1. (Tuturo 6) Namonde rea govarera, ava bambarera.
  - a) Namonde futurororo, God nonua mutarira. 2 Corinth 9:6, 8, 11; Luke 12:29-31; Matthew 6:38
2. (Tuturo 7) Mave kotaе muturaira aikena, God nunda dubo bari erefutira.
  - a) Ni rea mutaresa da mino ava etoda fiti mutoro bari ava, jo kotise mutae aresa. David da Yaru Buku 15:5; Deuteronomy 23:20
  - b) Sifo mendeni mendeni namonde jo itako mino bari dae kotise mutae arera, tefo mutarera. Luke 6: 34 – 38
3. (Tuturo 8-10) Namonde evetu genembo mendeni esimbugaoro dae sedo God namonde esimbugusira.. Tuturoda 12:2
  - a) Roera isasambu mo, God da tofori. Namonde taká roera ainda kaifa kakato edo irera. Luke 12:42-47
4. (Tuturo 11-13) Dubo jama soro vesa arera aimi, God da javo jighoro erarira. 1 Peter 2:12
5. (Tuturo 13) Ninda gugua reda fugaresa ava gosuse, ni rejo dubo buraesa ava, natofo totoi kasama eraera. Luke 12:34
6. (Tuturo 15) God mo, namondeda ijugaboro ri. Teriago mo, God nune muturaira. John 3: 16; James 1:17

## **B. Bu joyvereghe God kena mutaresa amo, diti ghabu soveni-soveni fagedo, diti eni (1/10 English gekaimi ‘tithe’ seraera) ava mutaresa.**


1. 1/10 mo rejori? Ninda roera reju baresa, ainda diti ghabu soveni-soveni e tegedo, diti dabako esike fitido, God dae mutaresa. Leviticus 27:32
2. Na ainda fuyo setena ava, mavekena mutaren? Mave ne kaifa eraera o asisida gitijighari kakato, (pastors, evangelist, fathermane, ogababada) aikena mutaresa. Nehemiah 13:10-11, Filipai 4:16-17
3. Erá roera God kena mutaetesava, bu soesa e fugutuse, nunda esimbugari kosasagheove! Malachi 3:8-11

## **C. Nimokena rea irira aindae, ivugaghæ iri! Filipai Embokena 4:11-13**

1. Mave dighighi arira amo, nu jo God da roera eveva futusira aindae ivuga use, numo tumondaeri. James 4:1-2
2. Erá moni bari dae sise, dighighi eose!  
1 Timothy 6: 6-11

God rea sisira ava use, diti 10 fugedo,  
eni mutoro numokena jovereghe yare!

Levi Ondi 27:32  
Nehemiah 13:10-11  
Malachi 3:8-19



# DUBO JOKÁ RIRIA USE, KAVEVERA AORE!

2 Corinth 9:6-8,



## Satan da uju a kotari ri

*SATAN AND HIS STRATEGIES*

### A. Satan mo, mavejori?

1. Satan mo, God setiri sirorusira. Nu gogore edo ghusira aindae, God nu dotiri nunda vasa eveva ikáda irari ava dodo dudurusira. Ezekiel. 28: 14-15, 17 [Amboda Sirorarira 12: 7-9]

<sup>14</sup>“Ni aneya isambu da gitijighari aso dae simbugedo, ninda jiroda orivi da muká avereguseni. Eteno, ninda duró (kau) eni beká usira. Aminguse, nanda doriri kakarago aminda irise, ghamana tiri-taragheraira, aindae etoda fete deingheda ghusesi. <sup>15</sup>Ni nanjigo seteno sirorusesa aminda ghedo, ninda aito dambu beká, duróde avanembo urureaso gido ghuseni. Aminguse iriasa ava doteso, ni fuge gosuse, ari eko ninda dubo jokáda tafuseni. <sup>17</sup>Ni ajarigo, sovode mendóde irá ghusesa aindae ivuga edo gogore usesi. Kotugo ninda duro ajarigo aindae ivuga use gogore eteso, ninda dubo kotari bebeta usira. Aindae sedo, na ni endada fugeteno, endada kokotofu da dombuda vose meka gosusesi.” Ezekiel 28:14-15, 17

- a. Satan mo, enda einda kotofuri.. 2 Corinth Embokena 4: 4 [John 16: 7-11; John 12: 31]  
b. Satan ni gambu mindari dae sise, emboro kakova use deingheraira. 1 Peter 5: 8;  
2 Timothy 1: 7
2. Numo gungubo da numamo edo irira. John 8: 44
  - a. Satan nu, aneya usasa a durode aminga ava jinedo, namondekena isagha eraera. 2 Corinth Embokena 11:14
  - b. Satan dederureari, roera God namondeda evevadae simbugusera ava, namonde budo sembaeda fifituse mema itatamerera. Kote givu!

<i>Ijugaboro</i>	<i>God da uju</i>	<i>Sembaeda fifituse eraera.</i>
Kombo yaru	Evetu genemboghae fitiraera aindae jokáda arera.	Evetu jo fitae irise, kotugo genembokena jo vai ae irise, kombo yaru eraera, o yagera eraera, o saghere eraera.
Moni	Uvu bayau ombudo, embo boka ombari dae sedo barera.	Monidae dighighi eraera, o soesa fugeraera, o ufena gavana o jajida sonemba omburaera.

3. Satan da uju mo:
  - a. Bagia ari, dari ambari, sosighi ari John 10: 10
  - b. Nu evetu genembo dereari nunda amboda amboda eraera. Amboda Sirorarira 12: 9

### B. Satan namondeda fisi da uju aimi gi budo, namonde dereraira: Rome Embokena 1: 21-23, 29-31

1. Fisi da uju: 1 John 2: 16
2. Gugua ditimmi gosuse dighighi eraera: 1 John 2: 16
3. Namondeda gugua ghayafadae ivuga use totofo sakai seraera: 1 John 2: 16
4. Dara o mema mendeni aindae oju use irera: Matthew 10: 28  
*Beisiga use guka tatera irari:* - *Satan uju erira amo, namonde God de sariguse, kotugo totofo sasarigedo nunda nunda iraeteri.*
5. Ambo bego a nano namendi sasarigaeteri: James 3: 9-10
6. Ekaresia da memba beisiga edo guka tatera edo iraeteri, kotugo ekaresia mendeni (CRC, Baptist, Anglican, AOG, SDA) barago beisiga e sasarigedo, nunda nunda fetaeteri.  
James 3: 14-18

### C. Avata God namondedae sise, dubo kote gogoghombuse, manaka garusira amo eviri:


1. “Na rea manaka garuse aono, ne ivuga use dubo jama areva, ava kasama erena,” Bajari aminge sise eminge sisira, “Na nendae irari eveva vanembo simbugaono dubo jama tambovo dae eraena, jo mema tambovo dae jo ae eraena. Amboda na rea mutari sisena bareva ava, ivugaghae gitituse, kaifa aovo dae sise eraena. Jeremiah 29:11
2. Sifo gombuda, mave atai fati fetari? Amo, jo Satan aimi atai fati fetae arira. God nune amingarira. Rom. 8: 37-39

# Satan mo, mavejori?

**God nu setiri sirorusira:**

**Ezekiel 28:14-15, 17**

- **Satan nu enda da god edo irira:** 2 Corinth 4: 4
- **Namonde bu mindari dae kato eraira:** 1 Peter 5:8



**1 Pet. 5: 8**

Diti fangedo, kaifa e gogoghombaovo dae resena! Ainda beká mo: kau raiyon (lion) ighoi itatamuse, bayaudae dubo gangaraghæ deingheraira aminga ava, nenda gitofu Satan goroto reda teredo, nemo bari dae kato eraira.




**Satan da derari da  
emboro mindafu eni,  
amo OJU ri.**





**2 Tim. 1: 7**

Ainda beká mo: God nunda joba, jo oju aoro dae sedo mutae usira. Namonde nange fakina edo, tofo tofo dubo ruruse, fisi da uju ava buregaetera aindae sedo, nunda Asisi amo futusira.



**Satan mo,  
gungubo sari da  
numamori.**

**John 8: 44**



**Satan kau *aneya*  
*usasa a durode*  
*jinarikena mo,*  
*inonori.***

**2 Corinth 11:14**

# Satan namondeda fisi da uju nunda ambi gorobadae sedo budo, aimi namonde deredo gherira.

Rome Embokena 1: 21-23, 29-31

**1. Geka beká doyeoro  
nenda kotari dadaberaira, a  
jiro munju da usasa tumba  
eraira.**



## Satan namonde nange dereraira, amo eviri.



**1.** 1 John 2: 16




fisi da uju aimi: kombo  
yagera, uvu fakara, bayau

**2.**

Gugua ditiumi gosuse  
dighighi eraera.



**3.** Tofo mandi  
bajari ari dae  
eraera



**4.**

Oju



Matt. 10: 28

**5.** Unongu sari



James 3: 9-10



**6.**

James 3: 14-18

Kuristini beisiga edo sarigedo  
nunda nunda fetarera.

# KOMANA DA DARA KOTE DOTUTUSE IRORE!

WALKING IN FORGIVENESS

## A. ARI MANAI EDO GHUSERA AVA DODO, NAMONDE KERISO DA ARI SEKA

**IJUGUSIRA, AVA ARERA.** Efesus Embokena 4:25-30. Ainda ari amingaetera amo, namonde dara darge dodo, geka oroko se ningari dae erera ava darigedo, kokomanade irari eveva ava iraeteri.

1. Gungubo dodo→geka bekáda bekáda sresa.
2. Janje eko aresa amo, erá janje eko use bibita aimi ari eko eóse→erá janje eko urureóso iji ya voseure!
3. Jo bagia ae aresa →saramana ururaso bayau ombari da moni sivorare!
4. Geka eko eni jo sae aresa→ninda komana sonembari dae kotise geka sresa.
5. Erá Asisi Kakarakena dubo mema muteóve!→God da duró nange isagha ari gaetera ava kotise iraresa!
6. Evetu genembo namondekena mema mutarera amo, namonde nange areri?
  - a. Janje ekoimi ninda dubo bebeta arira amo, God kena vujenge! Ni tofo fitaso vosari God kena vujegaresa. Ai resira amo, namonde gogore eraera aindae, namondeda janje eko jo totoi doyae eraera.

## B. DARA DA SUSU: Namonde taká evetu genembo gido, gofuse komanakena dara eraera.

1. Ni evetu genembo dubo baresa amo, ni mema itatamaresa.---Mema itatamari da emboro mo, komana nimokena indiga arira, o unongu sarira, o ari eko eni arira amo, ni mema itatamaresa. (Matthew 18:21,22)
2. Avori, ni mema itatamuse, emboro etoto irira, ainda eni ava gatege baresa.
  - a. Eni mo, ni DUBO EKO USE MINO ARI DA EMBORO ava gatege budo aresa.
  - b. O eni mo, ni KOTE DOTUTUSE MAINUNGARI DA EMBORO ava gatege budo amingaresa.

## C. DUBO EKO USE MINO ARI DA EMBORO Gatege Barera Amo,.....!

1. Dubo eko use gogore ari namondeda jokáda ava budo saramana use aimi, nasoro use mino ari dae koteraera.
2. Amingururoro, namondeda dubo eko ã gogore ari foa isaghada buvarira. Buvari natofo fuge gido, mino ari dae erekoterera, ava anakora kasama arera. Sifo aminda janje orara barara arira. Ari gido, jo dubo joyereghari da kaugo iraeri. Mino arera. Efesus embokena 4:31-32
  - a. Jo natofo tumondae eraera aminga ava ae arera. Efesus Embokena 4:17
  - b. Janje orara barara arira amo, fisida ujuimi dederururari, ari eveva buregarera. Efesus Embokena 4:18-24
  - c. Namondeda dubo joká janje ekoimi bebeta edo irarira amo namonde:
    - (1) jo ivugaghae irae arera.
    - (2) tefo dombuda sarera.
    - (3) beisiga arera.
    - (4) ghaifo arera
    - (5) totoi janje eko arera.
    - (6) dubo jo God kena futuse, nunda amboda amboda yae arera.

## D. Dubo eko use mino ari da vagho ava, ni nanangedo darigaresi?

1. Kote dotututuse mainungari da emboro ava gatege barera. (Efesus Embokena 4:32-33, Kolosi Embokena 3:12-17) Aminguse, God da dombuda fetirise, mema a dubo eko ava doyarera. Namonde da fakina ari sarera amo, totofo derari da kaugori! God nune namonde sonembururari amingarerera.
2. Ninda dubo joka janje ekoimi bedo ari God kena vujegari sresa amo,
  - a. God kena vujegedo ninda janje joká seghare dae benunu sresa.
  - b. God kena benunu sise, ninda janje eko ava nunda ungoda fitase!
  - c. Kotugo benunu sise, ninda komana redae nimokena mema bouvu futusira, ava ategi aresa.
3. Iesu mema namondedae itatamusira ava kote gogoghombaresa. Aminguse, ninda ari ekoko kau mavego vujegeteso nu kote dotutusira, ava dubo kotaresa!
  - a. Sabua eni nunda komanadae jo joka ae ari da kikiri. Matthew 18:21-35

- b. God namondekena saramana futuse geka eni vironu saoro dae sisira. 2 Corinth 5:16-20
  - (1) Namonde nundae aghi aore! (tuturo 20)
  - (2) God de dabade mainungari da emboro, kotugo genembo nunda komanaghae mainungari da emboro afigedo irira, ava vironu sarera. (tuturo 18-19)
- c. Namonde God da natofo eveva ã kakara edo irarera. Filipai Embokena 2:14-16a
- 4. Ninda komana da dara kote dotutusesa ainda mema sekago itatamaresa amo, eminge se, “Memaé na anakora kote dodo God da ungoda fiti dotutuseni. Na jo Satan dae guro afigaono teredo, na sosighi ae arira.”
- 5. Aminguse iraso, ainda mema sunghedo ya dadabarira amo, ni kasama aresa, “Oroko na mema tefo irena. Na kote doyari da saramana eteno dadabetira!” ava kasama aresa.
- 6. Kotugo ni tuturo edo, evetu genembo nimokena dara usera, nemonde dabade mainungari da emboro ava tava aresa. Yegha Korafe mainungari da emboro rejo irira ava kotedo amingaresa. Amo, fuka sandaresa, jaká dabade dandareva, ni nisuka gido emboro tava aresa.
- 7. Amingarera, namonde vujegari beká edo irarera. Tamo aside dabade feghedo ivugaghae irarera. Namonde sifo ghousa kau mavega ava endada irarera, kokomana da ari ekoko kote doyari ava umbu nanjogo areri! Galesia Embokena 5:13-15 [John 10: 10; John 8: 36]
- 8. Milne Bay frovensi aminda oro eni ijugaboro eveva fitido, emingeraera. Mainungari dae sedo, gegenembo besiga usera aimi uvuda vose fetedo, ungo jijighuse, nenda dara minonde minonde usera ava, totofo vujegarera. Vujegaoro dadabari, ne uvudaghe vivituse, nenda dara a mema uvuda doyoro, uvuimi seghari dadabarira. Jo sekago kota arera. Avose, ijugaboro eraera aminga ava edo ghaeteri.

Eminda sifo dadabarira amo, geka tano use, einda geka kotarera.

- Kotugo, ni nisuka gi! Ni janje orara barara edo irira/iresa? Ni evetu genembo mendeni dara nimokena usera ava kote doyari erekotesa? Sifo eveva mo, oroko.

----- *SIFO IRARIRA AMO, GEKA DURUDA IRIRA EVIA SE NINGARERA.* -----

#### **E. Ni dara evetu genembo enikena aresa amo, emboro eveva mo, ni emingaresa.**

1. Giti God da dombuda fetirise, banungaresa.
2. Ninda ari eko rea etesa ava vujegaresa. Jo kivo ae aresa, ni isagh Bajari God Afa kena vujegaresa.
3. Ainda amboda, ni ya komanakena vujegaresa. **Jo darige yari da geka itako sae aresa. Kotugo, ni jo nenda ari ekodae gisise, geka eni sae aresa. Emo, nine ninda ari eko avanembo sarea.**
4. Aminguse, ni roera eni bagia usesa ava sekago mutaresa. Avata roera mendenide dabade (ikáda) fitido mutaresa. Amo, ni fainafu (pineapple) dabako bagia aresa amo, fainafu (pineapple) etoto ava bu jovereghe mutaresa.
5. Ne ninda ari eko jo kote doyari sae arera amo, nesuka nemokenari. Avata ni ninda boanda aso dadabarira ava sedo, ni jebugaresa.

#### **F. Avori, oroko tuturo edo, dara ekaresia jokáda sirorarira ainda geka se ningarera.**

1. Namonde totofo ijujarera. Namonde jo totoi dara da susu komanakena tava ae arera. Namonde isasambu ari ekoko embori. Ava kotise, giti namondeda ari ekoko vujegarera. Matthew 7:3-5
2. Ainda amboda ni itatamaresa, “Geka bekári, na ya, komana dara usira aindae dombuda saeteni.” Ava itatamaresa amo, ni emingaresa:
  - a. Numokena ya se ningaresa. Matthew 18:15
  - b. Komana ninda geka jo ningae arira amo, nano namendi etoto o etodaba budo numokena ya sekago se ningari edo garesa. Matthew 18:16
  - c. Sekago jo ningae arira amo, ekaresiakena isagh saso ningarera. Nenda ungoda fitido doyaresa. Matthew 18:17
  - d. Genemboó ekaresia da geka jo ningae arira amo, genembo ainde dabade jo umo gaumo ae areva. Avata Matthew 5:44-46 kotise, nu dubo ruruse iraresa. (2 Corinth Embokena 2:6-8 ábarago gido kotaresa.)

#### **G. Ekaresia dombu eni dombu eni (CRC, Anglican, Baptist, SDA, AOG) besiga edo sasarigedo nunda nunda fetarera amo, namonde nange areri? Efesas Embokena 4:11-16**

1. Keriso da tamo nanjogori? Utu aminda ofo kambo teria dabako irarira, kasama evu! Rome


Embokena 12:5; 1 Corinth Embokena 12:12-13; Efesas Embokena 4:4

2. Ninda ata jaresa o joraresa amo, ni jo jebugare dae jijivu sise, “Ata, ni gofari ri,” sae aresa. Ninda ata kaifa use fiyogha davaso jebugarira. Kau daba aminga ava, namonde kurisitini eni ainghae beisiga arera amo, namonde nange aetera da geka Rome Embokena 14:1-15:7 aminda tegarera. O geka mendeni mo, Matthew 18:15-17 irira.
3. Namonde sifo digari nano namendi ekaresia mendemida irera, aikena unongu sise, o ijujuse, “Ne gofari ri.” “Ne guka dagaya ri.” “Nenda kotari sembaeri.” seraera. Iesu da uju mo, namonde ava dodo, namondeda ata kaifa eraera, setera, aminga ava nano namendi da ekaresia (CRC, SDA, AOG, Baptist, Anglican, United) dae banunguse ne sonembari da emboro kakovarera.
4. Namonde jijivu sise, “Ne gofari ri.” “Ne guka dagaya ri.” “Nenda kotari sembaeri.” nano namendidae sarera amo, Keriso da tamo mema mindafugo itatamarira. Ekaresia mendeni sasarigedo nunda nunda fetirá gheraera. Redae amingeraeri? Namonde gogore use namondeda binó kotise amingeraera. (Satan amingusira aindae God nu ondiri utu dotutusira.) Namonde amingarera amo, namonde jo kote doyari o mainungari da emboroda ise, jo amingae arera.

- Ava sedo, namonde nange Iesu da mainungari bu foa ekaresia mendeni besiga edo irera o sarigedo irera, sonembaoro dubo jama edo mainungarer?
- Kotugo, ni nisuka gi! Ni janje orara barara edo irira/iresa? Ni evetu genembo mendeni dara nimokena usera ava kote doyari erekotesa? Sifo eveva mo, oroko.

Ujuda use, komana da dara kote doyaresa, ai, jo  
kote doyae aresa.

Komana  
nimokena  
dara arira.



Matthew 18: 21

Janje orara barara  
aimi ninda dubo joká  
bebeta arira.

Mino mutari  
dae edo garesa.

Ambari

Janje orara barara  
da  
emboroda yaresa.

Ainda dara da  
mema nimo  
kena dadabari,  
jo sekago kota  
aresa..

Kote doyari da emboro  
gatege aminda yaresa.

Komana da dara  
kote dodo, numoá  
tambu durumugedo  
se ningaresa



Vujegedo irise  
ivugaghae  
deingharesa.

*Janje orara barara ari mo, ni komana da  
mema jo kote doyae eraesa, aimi ninda  
dubo joká bedo edo irira.*


**Efesas 4: 31-32**

**Efesas 4: 17**

**Efesas 4: 18-24**


**Efesas 4: 25-30**

**Efesas 1: 13**



**Genembo (o evetu)  
nimokena dara usira.**

**Janje orara barara  
arira amo,  
namondeda irari  
evetu genembo  
isambukena  
bebetta arira, jo  
genembo dara  
usira ainembokena  
eko ae arira.**



# Komana da Dara Kote Doyore!

Kolosi 3:12-17

Matthew 18:21-35



Bajari eni moni nanjogo nunda sabuakena baetira isambu kote dotutusira.



Avata sabua amo moni itako komanakena baetira, jo kote doyaeri.

2 Corinth 5:16-20

Filipai 2:14-16a

Galesia 5:13-15

**KURISITINI DABADE EDO DUBO JAMAGHAE SARAMANA AETERI**  
**CHRISTIAN UNITY**

**A. Ekaresia beká kau mavegori?**

1. God da Geka Seka aminda, ekaresia da aito fugari eveva ava ijugusira.  
Ekaresia 2: 41-42
2. Tumondari embo anjaga iraeko aimi banungarera, amo inonori  
Matthew 18:20
3. Keriso da tamo, namonde numóa tumonduse irera, avori.  
Efesas Embokena 1:22-23  
Efesas Embokena 2:19-22
4. Iesu mo namondeda gití jighariri.  
Efesas Embokena 4:15

**B. Namonde Keriso Da Tamo dabako edo irera, avata kotugo saramana aoro dae sedo, namondekena fakina nunda nunda ghasetiri budo irera. 1 Corinth Embokena 12:12-27**

1. (tuturo 12-14) Namonde ekaresia nunda nunda ri. Avata namonde Keriso de dabade tatedo dabako edo irera.
2. (tuturo 14-18) Namonde ekaresia dabako ri, avata ainda saramana nunda nunda edo gherera.
3. (tuturo 19-21) Namonde ekaresia da saramana da bouvu isambu inonoda fumbarera.
4. (tuturo 22-24) Namonde God da dombuda isambu inonogo ri. Ava sedo, jo kurisitini komanakena nunda saramana ava ijuju ae area.
5. (tuturo 25-26) Namonde tofo tofo sonembuse irarera.
6. (tuturo 27) Namonde nunda nunda ava fera, Iesu ghae dabade tatisera aindae, namonde Iesu da irari ainda aito fugutururoro natofo fuge gosuse, Keriso mavegori, ava kasama arera.

**C. Ekaresia saramana da bouvu dabade fumbarera, ainda gombuda eveva evia tuve barera.**

1. Ekaresia bají teria arira.  
Efesas Embokena 4:14-16,  
Ekaresia 2:43-47,  
Matthew 12:25
2. Iesu, God ghae tate dubo dabako edo irera. Kau daba aminga ava, namonde dubo dabako edo irarera amo, Iesuda irari ava ijugururoro natofo garera.  
John 17: 21-23,  
John 13: 34-35
3. Namonde Satan da vaghoda tereore dae sise, Satan kena isoro ari da ambi goroba ava budo, fakina e fetore!  
2 Corinth Embokena 2:10-11
4. Bajari nunda esimbugari namondekena mutari dae sedo, fakinaghae beka gagojusira.  
David da Yaru Buku 133:1, 3

**“Ainda amboda, na fuge evetu genembo digari, jo tegari da kaugo irae ava gosuseni. Tamo ingago mendeni, yaghogo mendeni, foyago mendeni, a oro nunda nunda mendeni, reighi nunda nunda a geka isambu ainda mendeni aimi fera, avo anumba a Sifi da Mandi ainda dombuda totoruguseri. Ne tamo asugari foyago ava asedo, oibo ungoi bu fetirero gosuseni.”**

**Amboda Sirorarira 7 : 9**

